

ASUNTU NE'EBÉ PRESIZA TAU ATENSAUN

- ▶ **Insidente seriu iha desportu komunitaria suporta husi Sekretáriadu Estadu Joventude no Desportu**
- ▶ **Emá nain ha'at mate tanba problema liga ho família iha insidente tolu ketak iha fulan Outubru**
- ▶ **Insidente hamutuk sanulu resin tolu liga ba ritual kulturais família nian**

INSIDENTE SERIU IHA DESPORTU KOMUNITARIA SUPORTA HUSI SEJD

Sekretariadu Estadu Joventude no Desportu (SEJD) suporta atividades desportu komunitaria ba joven sira hodi dezenvolve sira nia talentu iha desportu nomos hanesan jogu amizade ne'ebé implementa iha nivel suku ka subdistritu iha Timor-Leste. Maioria jogu amizade kria duni amizade, maibé iha fatin balun rezulta insidente violénsia. Komesa fulan Jullu to'o Outubru 2014, Belun rekolha insidente sanulu resin neen (16) mak akontese no husi eventu jogu amiizade ne'e.

Iha dia 7 Outubru 2014, desportu komunitaria implementa iha Subdistritu Tutuala, Distritu Lautein, Xefe Suku Mehara tuku joven ida nia hasan depois joven mane nain rua seluk mai baku fali Xefe Suku, tanba Xefe Suku la neutral iha jogu amizade ne'e. Iha tempu ne'e, Xefi Suku duni sai arbitu ba iha jogu ne'e. Xefe Suku hetan tebe iha hirus matan no kakorok, husi joven nain rua. Joven mane nain rua, tempu hanesan hetan kedas kapturasaun husi Polísia no tama sela preventiva, maibé komidade husi Suku Tutuala ho lori kroat ba ataka fali Estasaun Polísia, tolok membru Polísia, estraga sasan, hanesan kadera no aihoris ai-funan iha Estasaun Polísia, hodi husu joven nain rua ne'e husik livre. Problema ne'e sai komplikadu liu tan tanba komidade balun komesa hakilar malu liga ho sira nia problema pasadu. Rezulta husi insidente ne'e, kuaze semana rua komidade husi Suku Rua buka malu no hein malu iha estrada. Situasaun ne'e hetan atensaun husi membru veteranus, husi Sekretáriadu Estadu Joventude no Desportu liuhusi Komisaun Reguladora Artemasiais (KRAM) no Parlamentu Nasionál husi Komisaun F hodi aprosima buka dalan ba hetan solusaun.

Totál insidente Fulan Outubru 2014	
Distritu	Insidente
Aileu	1
Ainaru	6
Baukau	4
Bobonaru	3
Covalima	2
Dili	14
Ermera	5
Lautein	8
Likisá	11
Manatuto	1
Manufahi	6
Oekusi	10
Vikeke	5
Totál	76

To'o agora problema ne'e seidauk rezolve, maibé aprosimsaun ba lider komidade parte rua hala'o tiha ona.


EMA NAIN HA'AT MATE TANBA PROBLEMA LIGA HO FAMÍLIA IHA INSIDENTE TOLU KETAK IHA FULAN OUTUBRU

Iha fulan Outubru, emá nain ha'at mate tanba problema família, iha insidente tolu ketak. Depois, iha insidente hamutuk sanulu resin sia (19) liga ho membru família, hanesan mane kaben ida iha Subdistritu Likisá, Distritu Likisá, tetak mate ninia ferik oan isin rua fulan lima ho mane kaben matandok ida iha dia 17 Outubru 2014. Uma kain ida ne'e, bainhira kous oan sempre mate. Tan ne'e, ninia ferik oan ba husu tuir iha matandok. Matandok sik no hatete katak ninia katuas oan iha problema ho ninia feton iha pasadu. Ferik oan fo hatene ba nia ketuas oan hodi ba rezolve ninia problema ho ninia feton, para sira nia oan bele moris ho di'ak. Iha lora ida ne'e, ninia ketuas oan nervosu loos ona tanba hatete hela de'it kona-ba ida ne'e, hodi foti katana ta'a ninia ferik oan sei isin rua fulan lima no ta'a mos mane kaben matandok ne'ebé sik nia no ta'a mate iha fatin. Iha momentu ne'e, Polísia mos to'o iha fatin hodi kaptura mane kaben ne'e no hatama iha sela preventiva hodi hein prosesu legal no kazu ne'e sidauk rezolve.


INSIDENTE HAMUTUK SANULU RESIN TOLU (13) LIGA HO RITUAL KULTURAI S FAMÍLIA NIAN

Iha fulan Outubru, hamutuk 13 insidente liga ho ritual kulturais família nian. Iha insidente tipu tolu: a) insidente akontese tanba umane husu montante todan (osan no sasan seluk) ba lia koremetan no la kumpri lolos. b) insidente mos akontese iha tempu preparasaun, diskuti malu kona-ba aranjamentu seremonia, 3) insidente akontese tanba hemu tua lanu durante no depois seremonia kultural. Iha insidente ida, akontese iha dia 17 Outubru 2014 iha Subdistritu Aileu Vila, Distritu Aileu, umane fó lia ba fetosa'an. Mane kaben ida nu'udar umane ta'a mane kaben ida seluk nu'udar feto sa'a iha kanuruk, tanba todan husi lia kultural fo latuir montante ne'ebé determina ona iha seremonia koremetan, husi umane. Manefoun ka feto sa'a hasoru nia (umane) hodi tuda ho fatuk, hadau katana no dulas ninia liman loos to'o bubu. Mane kaben seluk mai hodi hakalma situasaun, maibé hetan mos ta'a iha ain karuk husi mane kaben nu'udar umane. Akontesimentu ne'e iha dalan dok husi fatin seremonia koremetan, bainhira sira la'o hamutuk hodi bolu membru família sira seluk. Polísia mai hakalma situasaun, rejistu ona kazu ne'e no to'o agora hein prosesu husi Ministeriu Públiku.


KARATERÍSTIKA INCIDENTE




Insidente Fatin




Metodu Violensia



Tipu Violensia



Se Mak Hahu / Halo Violensia




Saida Mak Ema Hahu Violensia Nia Jeneru




Se Mak Vitima Nia Jeneru




Hun no Abut Konfliktu



Se Mak Responde



Impaktu



ATIVIDADE PREVENSAUN NO RESPONDE BA KONFLITU

Atividade ne'ebé Realiza husi Ekpa Demokrasi no Dezenvolvimentu liuhusi Asaun Media no Hakbi'it (DAME):

- ▶ Kontinua hala'o atividade Radio Talkshow hodi konvida representante sira husi Rede Prevencaun no Responde Konfliktu (RPRK), Polisia, lideransa komunitaria, administrasaun governu lokal no parseiru sira seluk hodi fahé informasaun kona-ba, papel no ezistensia rede hanesan rekursu komunidadade, hodi prevene no transforma konfliktu liuhusi atividade dame. Talk show ne'e realiza iha Radio Komunitade iha distritu hanesan:

- Baukau no Vikeke iha dia 17 Outubru 2014
- Lautein iha dia 14 Outubru 2014
- Ainaru no Covalima iha dia 22 Outubru 2014 no
- Bobonaru iha dia 24 Outubru 2014

- ▶ Hala'o atividade treinamentu kona-ba jestaun rede ba membru RPRK iha Subdistritu Hatu'udo, Distritu Ainaru iha dia 22 Outubru.2014. Halao mos treinamentu hanesan ba membru rede husi Subdistritu Nain Feto no Dom Aleixo, Distritu Dili iha dia 31 Outubru 2014.



Atividade Ne'ebé Hala'ó Husi Ekipa Atensaun no Responde Sedu (AtReS)

- ▶ Belun nia Kórdenador Distritu fasilita Enkontru Trimestral iha subdistritu 18 iha distritu 5 hodi apresenta dados monitorizasaun ba Rede Prevenasaun no Responde Konfliktu (RPRK). Iha atividades ne'e mos partisipa husi ASD, PNTL no VPU, lideransa lokal, Chefe suku no representante suku nomos comunidade sira hanesan membrus rede. Representante PNTL no VPU iha subdistritu balun hanesan Subdistritu Ainaru, Subdistritu Metinaro, Subdistritu Pantemakasar, Subdistritu Nitibe, Subdistritu Cristo Rei, Subdistritu Nainfeto, Subdistritu Atauru no Dom Aleixo halo intervensaun mos ba dados monitorizasaun ne'ebé Belun apresenta hodi kompara dados monitorizasaun husi PNTL no VPU ho esplika detailhu.

Atividade Ne'ebé Halao Husi Ekipa Mediasaun no Rezolusaun ba Disputa (MRD)

- ▶ Iha dia 7-8 Outubru, 2014, ekipa MRD, fasilita mediasaun ba disputa rai 2 no disputante nain 4 iha subdistritu Maliana maybe, la hetan solusaun tamba ida-idak sei mantein sira nia pozisaun. Disputantes hirak ne'e sei iha relasaun familia. Kazu ida liga ba rai eransa no kazu ida seluk liga ba rai ne'ebé nain mak Timor oan mais hili otonomia ho Indonezia ne'ebá. Alin husi Timor hela iha Indonézia mak disputa ho ema seluk ne'ebé deklar mos ne'e sira nia rai.
- ▶ Iha dia 14 Outubru 2014, ekipa MRD fasilita mediasaun ba disputa rai 1 no disputante nain 2 iha Distritu Manatuto, Subdistritu Manatuto. Disputante ne'e feton ho na'an, no sira nain rua simu malu hodi halo deklarasaun conjunta ba rai eransa ne'ebé husi inan – aman husi hela ba sira.



KONA-BA REVISTA NE'E

Revista situasaun ne'e relata kona-ba asuntu xave relaciona ho insidente violénsia no tendensia husi koleksaun dados monitorizasaun liu husi Sistema Atensaun no Responde Sedu (AtReS) Timor-Leste durante Outubru 2014. Belun esforsu atu fahé informasaun ne'ebé up-to-date no serteza ho dados atual. Hanoin katak, situasaun bele hetan mudansa ho lalais husi kontribuisaun dame ita hotu nian. Ami agradese no simu informasaun seluk ne'ebé bele klarifika ka update dados ne'ebé ami iha liuhusi sistema AtReS.

Marilia Oliveira da Costa, Jestor Sistema AtReS: bylah.belun@gmail.com

Laurensius Lein, Espesialista Prevenasaun Konfliktu: laurensius.belun@gmail.com